

EMBASSY OF THE UNITED STATES OF AMERICA

PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: DhakaPA@state.gov

WEBSITE: <http://dhaka.usembassy.gov>



দুর্যোগ প্রস্তুতি অনুশীলন ও বিনিময় ‘ডিআরইই...ড্রি’ সমাপনী অনুষ্ঠানে বাংলাদেশে যুক্তরাষ্ট্রের রাষ্ট্রদূত ড্যান মজীনা’র বক্তব্য

লেকশনের হোটেল
২০শে সেপ্টেম্বর, ২০১২

জেনারেল ওয়াদুদ

রাষ্ট্রদূত উইলকুন্স এবং উপরাষ্ট্রদূত বলটনিকফ

দুর্যোগ ব্যবস্থাপনা মন্ত্রী

দুর্যোগ প্রস্তুতির ক্ষেত্রে বাংলাদেশের কোনো জুড়ি নেই।

বাংলাদেশের জনগণ, বাংলাদেশের সরকার, বাংলাদেশের সুশীল সমাজ...এরা সবাই জানে কিভাবে ঘূর্ণিঝড়, বন্যা ও জোয়ারের সঙ্গে কিভাবে খাপ খাওয়াতে ও সেগুলো মোকাবেলা করতে হয়...আর এর ফলে, এসব প্রাকৃতিক দুর্যোগের ফলে সৃষ্টি মৃত্যুহার গত কয়েক বছরে অনেক হ্রাস পেয়েছে। বাংলাদেশ স্বভাবতই এই ফলাফল নিয়ে অত্যন্ত গর্বিত এবং এ ধরনের দুর্যোগে কিভাবে সাড়া দিতে হয় সে সম্বন্ধে পুরো বিশ্বকে তাদের শেখানোর অনেক কিছু রয়েছে।

তবে বাংলাদেশ বিশ্বব্যাপী অন্যান্য অনেক দেশের মতোই এক বিশাল হৃষকির সম্মুখীন: ভূমিকম্প। একটি বিশাল ভূমিকম্প হলে বাংলাদেশে বিশেষ করে ঢাকায় যে ধরণসম্যজ্ঞ হবে সেটার দুর্চিন্তা আমাকে রাতের বেলা জাগিয়ে রাখে। সম্প্রতি বাংলাদেশ সরকারের একটি সংস্থা এক মূল্যায়ন প্রতিবেদনে আমি পড়েছিলাম যে ঢাকায় যদি ৭.০ মাত্রার একটি ভূমিকম্প আঘাত হানে তাহলে ৭০,০০০ এরও অধিক ভবন ধ্বসে পড়বে...এই অবস্থাটা এতোই ভয়ঙ্কর যে কল্পনাও করা যায় না।

তবে, এই অবস্থা নিয়ে আমাদের বিবেচনা করতেই হবে। হাত-পা ছোড়াচুড়ি করে ও শোক প্রকাশ করে কোনো জীবন বাঁচানো সম্ভব নয়। প্রস্তুতির মাধ্যমে সেটা করা সম্ভব...

...প্রস্তুতি, প্রস্তুতি, প্রস্তুতি - গত চার দিনব্যাপী একটি যৌথ যুক্তরাষ্ট্র-বাংলাদেশ দুর্যোগ প্রস্তুতি অনুশীলন ও বিনিময় কিংবা সংক্ষিপ্তভাবে ‘ড্রি’ শীর্ষক পরিকল্পনামূলক অনুশীলনের মাধ্যমে আমরা ও আমাদের বাংলাদেশী অংশীদারগণ একাজটাই করছি।

ব্যাপক সমন্বয়তার মাধ্যমে এই অনুশীলনটি সংঘটিত হয় যেখানে দুই দেশের সামরিক বাহিনীর সদস্যগণ সহ দুর্যোগ ব্যবস্থাপনা মন্ত্রণালয়, স্বাস্থ্য মন্ত্রণালয়, স্বরাষ্ট্র মন্ত্রণালয়, দুর্যোগ ব্যবস্থাপনা ব্যূরো, অগ্নি নির্বাপকদল, নাগরিক প্রতিরক্ষা ডিরেক্টরেট, পুলিশ বিভাগ, ঢাকা সিটি কর্পোরেশন, যুক্তরাষ্ট্র দূতাবাস, অরিগন ন্যাশনাল গার্ড,

যুক্তরাষ্ট্র সেনাবাহিনীর প্রকৌশলী দল ও অনেকগুলো বিদেশী মিশনের প্রতিনিধিগণও এই অনুশীলনে অংশগ্রহণ করেন।

চমৎকার একটি অনুশীলন!!

আমার ৩১ বছরের কর্মজীবনে আমি অনেকগুলো অনুশীলনে অংশগ্রহণ করেছি কিন্তু তার কোনোটিই এতো সমন্বিত, এতো ব্যাপক ও এতো বাস্তব ছিলো না। বিশ্বব্যাপী ভূমিকম্পের সময় প্রাপ্ত শিক্ষা ও শ্রেষ্ঠ চর্চাগুলো বিশেষজ্ঞগণ তুলে ধরেন। এই অভিজ্ঞতা ও জ্ঞান বিনিময় করা হয় এবং লিখিত অনুশীলন ও শহর-ব্যাপী মাঠ পর্যায়ে প্রশিক্ষণ অনুশীলনের মাধ্যমে সেগুলো পরীক্ষা করা হয়। আমি এই উভয় ধরনের অনুশীলন দেখেছি এবং মুঠ হয়েছি।

এই অনুশীলন বাংলাদেশের দুর্যোগকালীন স্থায়ী নির্দেশনা (স্ট্যান্ডিং অর্ডার অন ডিস্যাস্টার)-এর ওপর বিশেষ গুরুত্বারোপ করে। একটি বিশাল ভূমিকম্প দুর্যোগের সময় এই স্ট্যান্ডিং অর্ডার কি উদ্বার, পুনরুদ্বার ও পূর্ণাবাসন সংশ্লিষ্ট প্রয়োজনীয় অবকাঠামো দিতে সক্ষম কিনা সেটা নিরীক্ষা করার লক্ষ্যে বাংলাদেশী ও আমেরিকান অংশগ্রহণকারীগণ কাঁধে কাঁধ মিলিয়ে কাজ করেছেন।

অনুশীলনের অংশগ্রহণকারীগণ এখনো অনুশীলনের ফলাফলগুলো মূল্যায়ন করছেন তাই স্ট্যান্ডিং অর্ডারটি একটি ভূমিকম্প দুর্যোগে কার্যকরি সাড়া দেয়ার ক্ষেত্রে কতখানি উপযুক্ত সেটা আমি এখনো জানি না। তবে, আমি এটা জানি যে এই সমন্বিত ভূমিকম্প দুর্যোগ অনুশীলনের সুবাদে বাংলাদেশ এই স্ট্যান্ডিং অর্ডারের শক্তি ও দূর্বলতাগুলো নিরীক্ষা ও যাচাই করতে পারবে। ফলে ভূমিকম্প দুর্যোগে সাড়া দেয়ার জন্য বাংলাদেশ এই অর্ডারকে আরো ভালো পরিকল্পনায় রূপান্তরিত করতে সক্ষম হবে।

আমরা ও আমাদের বাংলাদেশী সহকর্মীগণ ইতিমধ্যেই আগামী বছরের ভূমিকম্প সাড়া সংশ্লিষ্ট অনুশীলনের জন্য উন্মুখ হয়ে আছি যাতে কঠিন পরীক্ষামূলক পরিস্থিতে স্ট্যান্ডিং অর্ডার কতটা উপযোগী সেটা যাচাই করা যায়। এই অনুশীলনটি মূলত জরুরি অবস্থা ব্যবস্থাপনায় মাঠ পর্যায়ের কার্যাবলীর বিশেষ করে দুর্যোগে প্রাথমিক সাড়া প্রদানকারীদের সামর্থ্য কিভাবে বৃদ্ধি করা যায় তার ওপর গুরুত্বারোপ করবে।

অকল্পনীয় ঘটনা সম্বন্ধে বিবেচনা করার ক্ষেত্রে, একটি ভূমিকম্প দুর্যোগে সাড়া দিতে বাংলাদেশের সামর্থ্যকে আরো এগিয়ে নিয়ে যেতে আমেরিকা বাংলাদেশের সহযোগী হওয়ায় আমি গর্বিত। বাংলাদেশ ইতিমধ্যে ঘূর্ণিঝড় ও বন্যার ক্ষেত্রে দেখিয়েছে যে পরিকল্পনা ও প্রস্তুতি জীবন রক্ষা করতে পারে। আজ সমাপ্ত হতে চলা দুর্যোগ প্রস্তুতি অনুশীলন ও বিনিময়ের সুবাদে বাংলাদেশ ভূমিকম্প দুর্যোগে সাড়া দেয়ার সামর্থ্য আরো এগিয়ে নিয়ে যাচ্ছে।

বাংলাদেশের ভূমিকম্প দুর্যোগে সাড়া দেয়ার সক্ষমতায় আমেরিকা ও বাংলাদেশের শক্তিশালী অংশীদারিত্ব এতো অর্থবহু রূপে অবদান রাখছে বলে আমি আনন্দিত।

ধন্যবাদ।

=====